


聖濟總錄

百册

|      |           |       |
|------|-----------|-------|
| 庫文閣内 |           |       |
| 1100 | 111       | 漢     |
| 内閣文庫 |           |       |
| 番號   | 漢         | 12609 |
| 冊數   | 200 (143) |       |
| 函號   | 300       | 212   |





大學東  
校典藉  
局之印



大德重校聖濟總錄卷第一百四十四

傷折門

從高墜下傷損腫痛

傷折惡血不散

筋骨傷折疼痛

傷折腹中瘀血

傷折風腫





傷折統論

論曰諸脉從肉諸筋從骨

三百六十有五聯續纏固

手所以能攝足所以能步

凡厥運動罔不順從若乃倉卒之際墜墮倒仆折傷蹉跌

傷折統論

論曰諸脉從肉諸筋從骨三百六十有五聯續纏固

手所以能攝足所以能步凡厥運動罔不順從若乃倉

卒之際墜墮倒仆折傷蹉跌患生不測詎可彈舉究圖

療治小則消腫而伸攣大則接筋而續骨各有方劑存

焉

從高墜下傷損腫痛

論曰凡墜墮傷損腫痛輕者在外塗傅可已重者在內

當導瘀血養肌血宜察淺深以治之

治墜墮損傷筋骨皮肉發熱疼痛沒藥散方





沒藥研

澤瀉

當歸切焙

桂皮去麤

檳榔剉

甘草炙剉

白芷

蜀椒去目并閉口者炒出汗

附子炮裂去皮臍

芎藭各壹兩

右一十味搗羅為散每服三錢匕溫酒調下不拘時

治從高墜墮傷損筋骨發熱腫痛續斷散方

續斷剉

生乾地黄焙

當歸切焙

芎藭

附子炮裂去皮臍

桂皮去麤皮各壹兩

澤蘭葉

蜀椒

去目并閉口炒出汗

甘草炙剉各半兩

右九味搗羅為散每服三錢匕溫酒調下不拘時

治從高墜墮傷損肢體發熱疼痛當歸湯方

當歸

切焙肆兩

大黃

生剉貳兩

生乾地黄

焙伍兩

右三味搗篩每服五錢匕水一盞半煎至七分去

滓溫服不拘時微利為効

治墜墮損煩悶荆芥湯方

荆芥穗

淡竹葉

切

當歸

切焙各半兩

右三味麤搗篩水一椀都煎取半椀去滓入地黄汁

一盞再煎三五沸分溫三服連服

治墜墮傷損氣血瘀滯疼痛阿膠湯方

阿膠

炙燥

艾葉

各貳兩

乾薑

炮半兩



芍藥兩壹

右四味麤搗篩每服三錢匕水一盞煎至七分去滓

溫服不拘時

治從高墜墮傷折肢體瘀血不行發熱腫痛消石湯方

消石研

桃人去皮尖 雙入研

大黃生

甘草炙到各壹兩

蒲黃壹兩

大棗去核 拾枚

右六味麤搗篩每服三錢匕水一盞煎至七分去滓

溫服利瘀血為効

治從高墜墮傷折手足疼痛阿膠湯方

阿膠炙燥

芍藥各壹兩半

生乾地黄焙

芎藭

當歸切 焙

艾葉各壹兩

乾薑炮

甘草炙到各半兩

右八味麤搗篩每服三錢匕水一盞煎至七分去滓

溫服不拘時

治一切傷折及驢馬墜墮打撲閃肭疼痛不可忍者五

傷接骨丸方

沒藥研壹兩

乳香研

蜀椒去目并閉 口炒出汗

芍藥

芎藭

當歸切 焙 各壹兩

自然銅煨醋淬 兩半

右七味搗研為末用黃蠟三兩半鎔為汁次入藥末



不住手攪令勻丸如彈子大每服二丸用好酒一盞煎藥化溫服就疼處臥少時

治從高墜下傷折有瘀血不散脇肋疼痛牽牛子散方

牽牛子生取 當歸切焙各壹兩

檳榔剉

桂去麩

木香炮各半兩

郁李人湯浸去皮細研

青橘皮湯浸去白焙各壹兩

右七味搗羅為散和勻每服一錢匕溫酒調下空心

服取下瘀血為効外以敗龜膏貼

敗龜膏方

敗龜醋浸炙貳兩半

大黃生剉壹兩

木鼈子去殼研貳兩

當歸切焙壹兩

桂去麩皮貳兩

右五味搗羅為末先用好酒一升煎至半升住火酒稍冷入藥末半兩以匙不住手攪成膏紙上攤貼損處

治驢傷馬墜他物傷折痛楚不可忍當歸散方

當歸切焙參分

芎藭壹兩半

桂去麩皮半兩

甘草炙剉參分

附子炮裂去皮臍

澤蘭葉

蜀椒去目并閉口炒出汗各壹分

右七味搗羅為散每服二錢匕溫酒調下不拘時

治墜墮撲損筋肉疼痛瘀血凝滯腫熱不消地黃糲裹



方

生地黄

洗切

酒糟各壹

右二味拌和令勻隨腫處用藥逐旋以大碗盛甑上

蒸熱用布絹之類裹腫處日一易

治一切打撲驢傷馬墜脫白損折兼定疼痛接骨膏方

續斷

壹

桂

去麤

附子

炮裂去

皮臍

白及

白歛

當歸

切

桑根白皮

剉

獨活

去蘆

黑狗脊骨

燒作灰

用各半

兩

黃米

炒參

右一十味搗羅為末或打撲閃胛及骨折碎用藥末

三錢匕酒半盞白麵二錢匕生薑自然汁少許同以

慢火熬成膏攤帛上貼之三日一換冬月用沙木篋

子綿繩夾縛夏月柳枝子五條夾縛雖緊不妨

治男子婦人內外損傷止諸疼痛接骨和血一切傷折

毒蟲咬陰氣入腹消諸水腫血脉不通左右攤緩熱疾

等欲死及腹中有瘀血刺兩脇痛氣築心悶亂婦人乳

癰產後敗血灌注四肢積年痔瘻但是疼痛並宜服之

極痛者只一丸輕可者只半丸用無灰酒半升乳香一

皂子大先磨乳香盡次磨活血丸同入銚子內煎五六

沸臨臥時溫服服了就痛處臥如要出汗衣被蓋之即



汗出若婦人諸疾服時更用當歸末一錢匕衣前法用  
乳香酒煎之此藥神驗不可言有孕婦人不可服活血  
九方

花桑枝於五月五日正南採南枝如臂膊曬可焙  
以炭燒烟盡旋旋投入礬醋中取出焙

雄黑豆淘浸去皮暴乾  
參升用袋子盛

生栗屑栗包中間壹片子号曰栗屑雙者不用  
不拘多少去皮取肉暴乾用袋子盛

乳香半斤旋  
研入 墨半斤旋  
研入

每料用藥如後

花桑枝末壹兩半 黑豆末壹兩 一栗屑末壹兩半

墨末半兩 乳香半兩

右五味於五月五日合忌雞犬婦人見先研乳香以  
醎醋調與四味相和稀稠得所拌和成劑於淨臼中  
搗三五百杵可丸即丸如小彈子大焙乾以紗葛袋  
盛入瓷合內封夜間面北極燒香禱祝云若男若女  
諸疾服之病悉除愈本法合成輕乾  
後水上浮為妙應傷折已損猶  
有敗血宜服之服畢次服敗血散

大黃以生薑自然汁貳兩塗  
炙汁盡焙乾搗末壹兩 杏人湯浸去皮尖  
雙入研如麩

兩壹

右二味和勻分作八服每服用童子小便二盞煎三  
五沸臨臥時去滓溫服其敗血一時取下從大小腸



中出

續骨丸方

臘月豬脂兩拾

蠟鍊過半斤

鉛丹重

自然銅煨醋淬研蜜陀僧研細各肆兩白礬拾貳兩

麒麟竭

沒藥

乳香

丹砂各壹兩研

右一十味新鼎中先鎔脂冷下蠟出鼎於冷處入蜜陀僧鉛丹自然銅緩火再煎滴入水中不散更出鼎於冷處下諸藥用柳篋攪勻瀉入瓷盆內不住手攪至凝丸如彈子大且用笋皮之類襯之極冷收凡折

傷用一九入少油火上化開塗傷痛處以油單護之甚者以燈心裹木夾之更取一九分作小丸熱葱酒下痛即止如藥力盡再覺痛更一服痛止即已骨折者兩上便安牙疼甚者貼之即止

治傷折疼痛黃耆散方

黃耆剉

赤芍藥

乾薑炮

大黃剉

附子炮裂去皮臍去

當歸切

續斷

桂去麤皮

木通剉各兩

蜀椒去目并合口炒出汗壹分

烏頭炮半兩

熟乾地黄焙壹兩



右一十二味搗羅為散每服二錢匕溫酒調下不拘時

治傷折疼痛筋骨未合肌肉未生延胡索飲方

延胡索

鹿藥

黃耆

熟乾地黄

各壹兩半桂皮去麤

當歸切焙

白欬

桑寄生

各壹兩

右八味麤搗篩每服五錢匕水一盞半煎至一盞去

滓溫服不拘時

傷折惡血不散

論曰脉者血之府血行脉中貫於肉理環周一身因其

肌體外固經隧內通乃能流注不失其常若因傷折內動經絡血行之道不得宣通瘀積不散則為腫為痛治宜除去惡瘀使氣血流通則可以復完也

治傷折惡血凝滯腫痛黃耆湯方

黃耆

芍藥

生乾地黄焙

附子

炮裂去皮臍

當歸

切焙

續斷

桂

去麤皮各半兩

乾薑

炮

椒

去目并閉口者炒出汗

大黃

生各壹兩

右一十味剉如麻豆每服三錢匕水一盞煎至七分

去滓溫服不拘時候



治傷折惡血瘀結不散芎藭湯方

芎藭

生

桂去麤皮

菴藷子

朴消各壹兩

荷葉拾片燒灰

右六味麤搗篩每服三錢匕水一盞煎至七分去滓

溫服不拘時候

治傷折血瘀不散虎杖散方

虎杖剉貳兩

赤芍藥剉壹兩

右二味搗羅爲散每服三錢匕溫酒調下不拘時候

治傷折瘀血留結不散腫痛桃人散方

桃人去皮尖雙

芒消別研各壹兩

大黃生

桂去麤皮

當歸切焙各參分

甘草炙剉半兩

蝨蟲去翅足炒

水蛭炒各拾枚

右八味搗羅爲散每服二錢匕溫酒調下不拘時候

治傷折惡血不散腫痛不消芍藥湯方

赤芍藥

黃耆

附子炮裂去皮臍

當歸切焙

續斷

桂去麤皮

羌活去蘆頭

蜀椒去目并閉口者炒出汗各壹兩

右八味剉如麻豆大每服三錢匕水一盞煎至七分

去滓溫服不拘時候

治傷折血瘀不散大黃湯方



大黃生

杜去麤皮

桃人去皮尖雙人

右三味麤搗篩每服三錢匕水一盞煎至七分去滓

溫服

治傷折惡血瘀滯腫痛塗傅方

生地黄研切

藏瓜薑糟

生薑洗研各壹斤

右三味和研隨所患處多少旋炒塗傅日三易

治傷折惡血不散蠶沙膏方

原蠶沙貳升炒研

麥麩參

右二味和勻米醋四升煮稠菴器盛量損處多少塗

傅以絹帛裹之日再易

治傷折惡血不散疼痛糟米塗方

酒糟貳斤

糯米升

右二味相和酒煮稀稠得所取出乘溫塗患處外封

裹之日再易

治傷折惡血結滯不散腫痛草烏頭膏方

草烏頭

細辛去苗葉

蛇牀子

獨活去蘆頭

吳茱萸各半兩

蒸切研貳拾莖

生薑肆兩切研

右七味除薑葱別研外擣羅為末和勻再研量患處

多少熱酒調為膏塗之以帛裹日再易



治傷折惡血不散煨葱方

葱青白俱用去根不切參拾莖

右一味灰火中煨透衆手乘熱木椎椎碎裹患處以  
輭帛縛之冷即易

治傷折惡血結滯腫痛地黃膏方

生地黄細切參介 烏雞膏隻去毛腸肚并足和骨細切

右二味相和擣一二千杵量患處多少攤帛上縛之  
日再易

治傷折惡血瘀滯不散外塗膏方

鼠屎參兩燒存性 生地黄半斤切焙

右二味擣羅爲末豬脂油和塗患處日三易

治傷損腹內瘀血不散不欲聞人聲胸中氣塞便利出

血等蒲黃散方

蒲黃合壹 當歸切焙 桂去麩皮

續斷 白芷各壹兩 甘草炙剉半兩

生乾地黄焙貳兩

右七味擣羅爲散空心溫酒調服一錢匕日再服  
治一切墜落打撲及腫毒疼痛白膏方

柳白皮切半兩 白蠟肆錢 鉛丹貳錢

胡粉參兩 油肆兩 商陸根切參分



右六味先以熟油入柳白皮商陸根煎候變色去滓入諸藥數攪良久膏成每用看腫大小以故帛或軟紙攤貼

筋骨傷折疼痛

論曰人之一身血榮氣衛循環無窮或筋肉骨節誤致傷折則血氣瘀滯疼痛倉卒之間夫於調理所傷不得完所折不得續輕者肌膚焮腫重者髀臼挫脫治法宜先整其骨裨其所折後施貼熅封裹之劑

治筋骨損傷疼痛麒麟竭散方

麒麟竭研 沒藥研 自然銅煨醋淬

赤芍藥

當歸切

白芷

蒲黃

大黃生用各半兩

桂去麤皮

細辛

去苗葉各壹兩

骨碎補

去毛炒貳兩

乾荷葉參分

右一十二味搗研為散每服一錢匕溫酒調下不拘時

治傷折定痛敗龜散方

敗龜

酥炙去裙襖壹兩

沒藥研

桂去麤皮

自然銅

煨醋淬徧研

骨碎補

去毛炒

當歸切

白芷

防風

去叉各半兩

右八味搗研為散每服二錢匕溫酒調下不拘時日



治傷折腫痛氣血不散芎藭散方

芎藭

甘草炙

蜀椒去目及閉口者炒出汗

澤蘭

附子炮裂去皮臍

桂去麤皮各壹兩

當歸切焙

大黃醋炒各半兩

右八味搗羅為散每服二錢匕溫酒調下不拘時

治閃肭打撲傷損疼痛不可忍附子散方

附子炮裂去皮臍

敗龜醋炙去襖爛

虎腦骨醋

栗楔

千金藤剉

補骨脂

白芷

骨碎補去毛炒

自然銅煨參徧醋淬研

續斷

赤芍藥

當歸切米炒

桂去麤皮

牛膝酒浸壹宿焙

烏藥各半兩

沒藥研

乳香研各壹分

右一十七味搗研為細散每服二錢匕蘇枋木酒調

下日進三五服

治傷折筋骨接骨散方

自然銅壹兩火燒參度醋淬研

木炭半斤火燒醋蘸貳度

白絲參兩燒灰

右三味搗研為細散每服一錢匕煎蘇木酒調下病甚損傷折骨者服訖裨裏了次服沒藥丸



沒藥丸方

沒藥研 丹砂研

牛膝酒浸焙搗羅末各壹兩

右三味研勻麵糊為丸如梧桐子大每服二十九木瓜湯下日一服午間服之服五日後漸減丸數

治傷折筋骨痛沒藥散方

沒藥研 虎骨酒浸炙

當歸切炒

白芷酒洗 補骨脂酒炙各

敗龜半兩 騏驎竭研各壹分

自然銅火燒醋淬

炭內實者火燒壹次酒淬取參分

右九味搗為細散每服一錢匕溫酒調下不計時

治打撲傷折筋骨損痛牛膝散方

牛膝去苗酒浸壹宿烘肆兩

黃耆

續斷 常歸切焙各壹兩

滴乳香別研

沒藥別研 琥珀各半兩

右七味搗研為細末用黃米粥微熱攤紙上將藥木兩匙糝在粥上裹之已減痛更將此藥每服溫酒調

下一錢匕日三五服

治傷折筋骨五仙丸方

自然銅肆兩火燒醋淬貳柒徧

大栗壹佰枚去皮生用

黑豆壹升湯浸去皮 白桑柴灰貳升

接骨木灰壹升



右五味一處大白內擣一千下取細入鍊蜜再搗丸  
如彈子大每服一丸溫酒嚼下不拘時  
治傷折疼痛黑豆散方

雄黑豆壹兩

桑條東枝剉碎壹兩

栗楔剉碎壹兩以參末用醋

拌於瓷器內炒存性

楓香脂研壹分

龍骨研壹分

虎骨半兩

右六味擣研為散每服一錢匕麝香熱酒調下連進

三服後用八骨散裹之

治筋骨損折入骨散方

虎骨醋炙

牛骨醋炙

龍骨碎研

雞骨炙

狗骨炙

兔骨炙

豬骨炙

羊骨炙

楓香脂研

自然銅火燒醋淬

右一十味等分擣研為散每有傷折處糝藥在瘡上用黃米粥勻攤帛上裹瘡口用帛裹輒繩縛之  
治墜折傷損疼痛不可忍者沒藥散方

沒藥別研

乳香別研

延胡索

當歸焙切

甜瓜子各壹兩

丹砂研半兩

右六味擣研為細散拌勻每服一錢匕熱酒調下又取藥散二三錢以黃米作粥攤作餅子糝藥散在上



用貼痛處以帛封角定一二日換佳

治傷折封裹虎骨膏方

虎頭連項鎖骨一穿

鯪鯉甲連項鎖骨

一穿

敗龜背骨

烏賊魚骨

去甲各

狗頭骨

壹枚以上伍味燒成灰研為末

日炙沙

貳兩兩雨後地卷皮是

也淨者

雄雀糞

尖者炒

花乳石

貳兩煨

右八味擣羅為細末每用一大匙醋煮粟米粥入藥

乘熱攪勻攤在帛子上裹痛處如得痛定一日一度

洗換新藥

治打撲筋骨傷折疼痛不可忍接骨桂芸膏方

桂去麤皮

芸薹子研

白芥子研

木鼈子

去殼

大黃

剉

敗龜甲

炙

虎腦骨

炙

赤狗腦骨

燒灰各壹兩

右八味擣研為末每用小黃米粥於生布上攤勻糝

藥末一匙頭在上於損折處裹之以竹片夾定用繩

子縛一復時解去換藥

治傷折筋骨穿山甲膏裏方

穿山甲

燒

虎脰骨

燒灰各壹兩

雞舌香

壹枚生用

麝香

研少許

右四味研為細末每用一錢匕看所患大小以黃米



粥攤在紙上候溫糝藥末在粥上封裏所傷處疼痛立止隔日換貼之

治傷折內外損神授散方

當歸淨洗切微焙乾 鉛粉洛粉佳研各半兩 蓬砂研貳錢

右三味搗研為散再同研勻每服二錢匕濃煎蘇枋木汁調下若損在腰以上先喫淡麪半碗然後服藥在腰以下即先服藥後方喫麪仍不佳呷蘇枋汁更以糯米為粥入藥末三錢拌和攤在紙上或絹上封裏損處如骨碎則更須用竹木夾定外以紙或衣物包之

治落馬墮車蹠折骨碎筋傷壓損疼痛不止五骨散方

鮫鯉項骨壹兩 獼猴項骨壹兩 虎項骨壹兩

黃犬項骨壹兩 野猫項骨壹兩 天雄半兩炮裂去皮臍

肉蓯蓉半兩酒浸壹宿刮去皺皮炙乾

右五味骨細剉用酒醋各半升浸一宿漉出炙令黃色候冷入二味藥同搗羅為細散每服二錢以溫酒調下不計時候又將黃米半升作糊入散藥一分調令勻塗貼骨折筋傷處疼痛立止

傷折腹中瘀血

論曰傷折腹中瘀血者因高墜下倒仆擗撲氣血離經



不得流散瘀在腹中速宜下之遲即日漸瘀滯使人枯燥色不潤澤久則變痿痺血痕之病

治因墜墮內損血結不行蒲黃散方

蒲黃

當歸焙切

芍藥剉

桂去麤皮各壹兩

右四味搗羅為散每服二錢匕溫酒調下不拘時

治傷折腹中瘀血通滯散方

蒲黃貳兩

當歸焙切

乾薑炮

桂去麤皮各貳兩

蝨蟲去足翅炒壹兩

大黃剉炒

右六味搗羅為散每服二錢匕空心溫酒調下日再

治因打撲內傷瘀血在腹大黃散方

大黃剉炒

當歸焙切

芎藭剉各半兩

右三味搗羅為散每服二錢匕空心日午臨臥溫酒

調下

治墮撲腹中瘀血桃人湯方

桃人拾肆枚去皮尖雙人炒

大黃剉炒

消石研

甘草炙各壹兩

蒲黃壹兩

大棗擘貳拾枚

右六味咬咀如麻豆大每服五錢匕水一盞半煎至

一盞去滓溫服



治諸傷損總血積滯腹中甘草湯方

甘草炙 白茯苓去黑皮 桂去麤皮

杏仁去皮尖雙人炒各壹兩

右四味麤搗篩每服三錢匕水一盞煎至七分去滓

溫服不拘時

治打損瘀血在腹中久不消二黃丸方

大黃剉炒 生乾地黃焙各貳兩

右二味搗羅為末鍊蜜丸如梧桐子大每服十九溫

酒下

治傷損瘀血在腹地黃酒方

生地黃汁半升 酒壹升 桃人去皮尖雙人炒

牡丹去心 桂去麤皮各壹兩

右五味以後三味搗羅為細末與前二味一處煎熟

每去滓溫飲一盞不拘時

治打損瘀血在藏攻心煩悶麻布飲方

麻布壹尺燒灰 牡丹皮 菴藟子各壹兩半

桂去麤皮 當歸剉焙 鬼箭羽

敗蒲燒灰 赤芍藥各壹兩 蒲黃兩半

大黃剉炒參兩

右一十味麤搗篩每服五錢匕酒一盞半煎至八分



入芒消半錢匕更煎一沸去滓空心溫服原至八分  
治損傷後瘀血腹中不行虎杖散方

虎杖參兩

赤芍藥貳兩

右二味搗羅為散每服二錢匕溫酒調下不拘時

治傷損滯血在腹中桂心湯方

桂去麤皮

當歸切焙

蒲黃各貳兩

大黃蒸焙豐兩半

右四味麤搗篩每服二錢匕水一盞煎至七分去滓  
溫服不拘時得血利為度

治因擲撲墜墮內損瘀血黃耆湯方

黃耆剉

芍藥

甘草炙

當歸切焙

芍藥

生薑切焙各壹兩

右六味麤搗篩每服三錢匕水一盞煎至七分去滓  
溫服不拘時

治因打撲傷損瘀血在腹內大黃飲方

大黃剉蒸

芍藥

荆芥穗各壹兩

麤炒

蒲黃

當歸切焙

桂去麤皮

甘草炙

桃人去皮尖雙人炒各壹兩半

右九味麤搗篩每服三錢匕水一盞煎至七分去滓  
溫服不拘時



治因墜墮內損大小便下血經久不盡地黃湯方

生地黄汁伍 甘草炙 柏葉兩

黃芩去黑心 阿膠炒燥

右五味除地黃汁外搗羅為末每服三錢匕水一盞地黃汁三分同煎三五沸去滓通口服不拘時

治因墜墮內損瘀血在腹使人瘦瘠牡丹湯方

牡丹皮切 大黃切 桂去麤皮

鬼箭羽 朴消碎 蒲黃至十分去氣

芍藥 當歸切炒各壹兩

右八味麤搗篩每服三錢匕水一盞煎至七分空心

日午臥時去滓溫服

治因傷損瘀血不行積在心腹桂芍湯方

桂去麤皮 芍藥 荷葉帶燒

菴藺子 大黃剉 朴消別研各壹兩

右六味麤搗篩每服二錢匕水一盞煎至七分去滓

溫服空心日午臨臥各一

治因諸傷損血積在內香豉散方

豉半升略炒 蘇枋木細剉壹兩

右二味搗羅為散每服二錢匕溫酒調下不拘時

治撲損筋骨惡血不散迷悶疼痛小便血下當歸散方



當歸焙切

芍藥

續斷

生乾地黄焙

白芷

黃芩去黑心

甘草炙剉

牛膝酒浸切焙各壹兩

右八味搗羅為散每日空心以酒調下二錢匕日再

服

治傷損瘀血在內攻注刺痛活血散方

蝙蝠炙乾壹枚

當歸焙切

骨碎補毛去

桂去麤皮

補骨脂微炒各半兩

大黃剉炒貳兩

右六味搗羅為散每服三錢匕空心溫酒調下薄荷

醋湯下亦得

治墜馬撲損內傷吐血又治暴熱背上煩熱心中欲吐  
喉內先覺血腥氣雞蘇湯方

雞蘇貳兩半

地黄汁伍合

桑根白皮剉壹兩

生薑汁伍合

葛根剉

小薊根切

淡竹筍各貳兩

右七味除地黄生薑汁外麤搗篩每服五錢匕以水  
一盞半煎取一盞去滓入地黄汁生薑汁各半合更  
煎三五沸去滓溫服每食後一服

治墜撲腕折瘀血疼痛敗蒲湯方

敗蒲燒灰

當歸各貳兩

牡丹皮



芎藭

赤芍藥各壹兩

豉心壹合

桃人湯浸去皮尖

陳橘皮去白皮壹兩

蒲黃紙上炒半兩

右九味麤搗篩每服三錢匕水一盞煎至七分去滓入地黃汁一合朴消一錢匕溫服日三

傷折風腫

論曰凡肢節傷折皮肉破裂久而未合為外風所觸則令肌肉受寒既不得收斂又與血氣相搏不得消散故為風腫風腫不散即變膿血敗壞之疾

治傷折風腫荆芥散方

荆芥穗

當歸焙切

續斷

芎藭剉各壹兩

右四味搗羅為散每服二錢匕溫酒調下不拘時候治因傷折風冷所傷發為風腫疼痛續斷湯方

續斷

熟乾地黃焙

澤蘭葉

當歸焙切

芎藭

烏頭炮裂去皮臍

桂去麤皮各壹兩

右七味麤搗篩每服三錢匕水一盞煎至七分去滓溫服不拘時候

治傷折風寒所侵風腫不消沒藥散方



沒藥研別

當歸焙切

芎藭

白芷

甘草炙

椒去目并閉口炒出汗

桂去麤皮

附子炮裂去皮臍

檳榔生剉各半兩

右九味搗羅為散每服二錢匕溫酒調下不拘時候

治傷折為風冷所侵皮肉不合腫痛地黃散方

熟乾地黄焙

當歸焙切

羌活去蘆頭

獨活去蘆頭各壹兩

右四味搗羅為細散每服二錢匕溫酒調下不拘時候

候

治傷折皮肉破裂風毒攻腫痛不消當歸湯方

當歸焙切

大黃剉炒

白芷

防風去義

烏頭炮裂去皮臍各壹兩

右五味麤搗篩每服三錢匕水一盞煎至七分去滓

溫服不拘時候

治傷折風腫杏仁膏方

杏仁湯浸去皮尖雙人炒參兩

右一味細研如膏塗腫處外以帛縛之頻易

治傷折皮肉破裂風傷成腫大豆膏方

大豆畧炒去皮不拘多少

右一味搗羅為細末生薑汁調如膏塗腫處頻易之



治傷折風腫疼痛黃蠟膏方

黃蠟伍兩

桂去麤皮

吳茱萸炒為末各壹兩

鹽壹分火燒

右四味擣羅三味為細末鎔黃蠟并麻油五兩與藥

末同煎數沸攪勻傾出菟合收每用看所傷大小攤

貼頻易之

治傷折皮肉破裂風腫痛芥子塗方

芥子細研不拘多少

右一味醱醋調塗腫處頻易之

大德重校聖濟總錄卷第一百四十四





